

LAWATAN ILMIAH PUSTAKAWAN USM

ke Unit Repositori & Dokumen Digital, Seksyen Koleksi Khas & Repositori
Perpustakaan Raja Zarith Sofiah, UTM Johor Bahru, Johor
4 Oktober 2022 | 9.30 am

Ringkasan Laporan



Pn. Husriati Hussain (kiri) bersama Pn. Haslina Hussin.

Bersempena dengan Bengkel KFK Pengurusan Kualiti & Risiko Perpustakaan UA 2022 yang telah diadakan pada 3 Oktober 2022 di Bilik Seminar 1, Perpustakaan Raja Zarith Sofiah, Perpustakaan UTM, Johor Bahru, Johor, Unit Repositori & Dokumen Digital (URD), Seksyen Koleksi Khas & Repositori telah menerima kunjungan hormat melalui sesi Lawatan Ilmiah dari Pustakawan Perpustakaan Hamzah Sendut 1 Universiti Sains Malaysia, Pulau Pinang pada 4 Oktober 2022.

Lawatan Puan Husriati Hussain (Penolong Ketua Pustakawan), Ketua Bahagian Repositori & Penerbitan Ilmiah, Perpustakaan Hamzah Sendut 1 telah disantuni oleh Puan Haslina Hussin, Pustakawan Kanan di unit ini.

Tujuan Lawatan Ilmiah ini adalah untuk melaksana penandarasan yang berkaitan dengan pembangunan koleksi digital, proses pendigitalan, perkhidmatan yang ditawarkan dan sistem repositori yang digunakan di unit ini.

Sesi perbincangan ini turut disajikan dengan maklumat asas mengenai PUTM, SKR dan URD yang menjurus kepada penstrukturan semula Carta Organisasi Perpustakaan UTM yang berkuatkuasa mulai 1 Jun 2022, fungsi serta objektif aktiviti UTM-IR, DMS dan RDM di PUTM.

Melalui perkongsian ini juga, kedua-dua pihak turut berkongsi pengalaman mengenai sistem yang digunapakai bagi aktiviti pendigitalan, pendepositan, akses pengguna kepada sistem sedia ada, serta sumber perolehan bahan bagi melaksanakan aktiviti pendigitalan yang lebih produktif.

Turut dibincangkan bersama adalah isu-isu semasa mengenai kekangan serta pengurusan risiko dalam usaha membangunkan koleksi digital, peralatan dan perisian serta halatuju pembangunan koleksi digital ini selaras dengan keperluan semasa dan keupayaan untuk memenuhi cabaran dunia digital di masa hadapan.

Kebersamaan perpustakaan universiti awam dalam menangani cabaran pembangunan koleksi digital dan capaian kepada sumber maklumat yang lebih berkesan turut mendapat perhatian

dalam perbincangan ini sebagai usaha berterusan untuk menyajikan sumber dan akses kepada maklumat yang lebih inklusif dalam memenuhi keperluan pengguna secara menyeluruh.

Sesi Lawatan Ilmiah ini telah berakhir sekitar jam 3.40 pm turut menghasilkan beberapa perkongsian ilmu yang sangat bermanfaat untuk menjana pendapat bernas bagi membina hubungan baik di kalangan Pustakawan universiti awam, khususnya dalam pembangunan koleksi digital arkib universiti ke tahap yang lebih signifikan selaras dengan matlamat institusi pendidikan tinggi negara ke arah kecemerlangan pendidikan dan penyelidikan bertaraf dunia.

Disediakan oleh :
Haslina Hussin
Pustakawan Kanan
Unit Repositori & Dokumen Digital
Perpustakaan Raja Zarith Sofiah
Perpustakaan UTM,
Universiti Teknologi Malaysia,
81310 Johor Bahru,
Johor